



祖兒於MV有不少內心戲，甚考演技。

祖兒很開心跟邵美君合作。

邀湯令山合作新歌《九秒九》

祖兒挑戰一鏡到尾 腦海無限 Loop

久未推出廣東歌的天后容祖兒，昨日終於推出新作品《九秒九》，邀得湯令山 (Gareth. T) 作曲，對方更有份拍MV。祖兒透露今次MV採用一鏡到尾的拍攝手法，由於不能NG，故拍攝前她已幻想無數次走位方式，希望不會出錯。

祖兒今年首支派台作品《九秒九》昨日上架，Gareth. T 有份創作。去年在由祖兒延續，以女方角度呈現如何在徬徨焦躁下準備這趟特急行程，可謂是《緊急聯絡人》下集。

祖兒指樂壇每個階段都有她很欣賞的音樂人，上一個很喜歡的是方大同，近年是則 Gareth. T，她說：「呢幾年每一次聽 Gareth. T 嘅歌，我都可以無限循環咁樣去聽，無論佢嘅 melody 同埋演繹，對我嚟講好有 feel，所以今次做新碟第一個想合作嘅人就係 Gareth. T，咁就搵佢啦！」

開心獲邵美君指導

除了作曲，祖兒亦邀請 Gareth. T 於MV客串的士司機一角，她開心說：「佢嘅MV都係佢嘅創作嚟嘅，所以我話：

「我今個MV可唔可以邀請你參加呀？你啲MV成日都有你啲朋友，我可唔可以邀請你？」佢話：「OK㗎，我可以㗎。」今次然後佢就畀入面飾演一個角色。」今次MV最特別之處是採用一鏡到尾的拍攝手法，面對首次「一shot直落」的祖兒坦言充滿挑戰性，例如走位細節等，故祖兒拍攝前，其腦海已「走」過無限次。

另外，祖兒又請來著名舞台劇演員、風車草劇團創辦人之一的邵美君導戲，祖兒說：「有兩個單位我好多謝嘅，第一次合作嘅導演 Maggie 同埋邵美君老師。好耐之前我已經同邵美君講『我好想跟你學演戲』，雖然最後冇成事，但今次呢個MV係Maggie 幫我搵咗邵美君，我哋一拍即合！佢嘅指引下拍咗呢個MV，個感覺好安全、好有信心，希望大家都會喜歡呢個MV啦！」



張繼聰 打波唔讓囡囡

張繼聰昨日以活動大使身份出席《中國香港國際籃球賽》，並即場頒發獎杯予得獎的兒童籃球隊。他表示家中後花園設有籃球架，閒時會跟17歲兒子「一打一」，幸好之前拍戲有鍛煉體能，故現時仍贏到兒子，他說：「透過運動可以訓練品德同刻苦，要進步就要勤力練習，係冇捷徑，等年輕人將來出嚟社會工作，明白一分耕耘一分收穫，所以打波嗰陣我唔會讓阿仔，要佢永遠挫敗，不過佢都話同我練波之後再同同學打波，會變得容易㗎。」



張繼聰覺得身教很重要。

城城 扮狗最可愛

由郭富城與內地女星藍盈瑩主演的電影《來自汪星的你》，將於5月16日在港上映。劇情講述城城獨自撫養女兒藍盈瑩，但陰差陽錯下變成小狗，他以犬系視角向觀眾呈現兩父女相處的各種疼愛和思念。城城以真人演繹所有小狗的微表情，再結合電腦特技效果，打造一隻形神俱備的「犬系爸爸」，是他從影以來最可愛一次！他說：「當中情節能讓小朋友有所思考，容易接受，上映時會帶女兒觀看，希望她們透過這部電影，感受到父親對子女永遠存在無私的大愛。」



城城主演《來自汪星的你》。

吳浩康想補擺喜酒

吳浩康 (Deep) 最近為粥麵店拍廣告，為配合宣傳，今日舉行限定音樂會，吸引逾百粉絲撐場，Deep的外父外母、妻子郭思琳偕一歲兒子專程前來支持。入行逾20年才首次拍電視廣告的Deep表示：「由電視廣告伸延到廣告歌同音樂會，全靠客戶信任。」

Deep 透露剛與太太旅行回港，是兩人自拍拖到生小朋友的首次旅行：「我哋連度蜜月都有去過，即使結婚都遇上疫情，要『二人限聚』，所以一直好想補擺喜酒，但唔知太太諗法。」他希望在大喜日子中，讓全世界愛錫他的人一齊分享喜悅：「原本想今年補擺喜酒，但又怕急唔嚟。」



妻子及外父外母專程撐場，吳浩康開心不已。